

NOTÆ
IN EVANGELICAS
LECTIONES, QUÆ PER TO-
TVM ANNUM FESTIS SANCTORVM
DIEBVS IN ECCLESIA CATHO-
LICA RECITANTVR.

OPVS AD PIE MEDITANDVM
*ac simul ad precandum Deum accommo-
datum, & nunc primum in lu-
cem editum.*

AUTHORE
R. P. PETRO CANISIO SOCIETATIS
IESV Doctore Theologo.



Cum peculiari Privilegio Sac. Cæs. Maiest. ad decennium.

FRIBVRCI HELVETIORVM.

Ex officina Typographica Abrahami Gempelini.

M. D. XCIII.



MAGNIFICIS

NOBILIBVS, RARAQVE

SAPIENTIA ET VIRTUTE PRÆ-

stantibus viris, DN. IOANNI MEIER, &

DN. LVDOVICO AB AFRI, PRÆ-

TORIBVS, totiq; spectabili SENATVI

FRIBVRGBNSIS vrbs in Neutonia, Do-

minis & Patronis admodum obseruandis,

PETRVS CANISIVS in

CHRISTO IESV

S. D. P.

NON ME PUDET SANE, nec pœnitet, Ornatissimi viri, priorem Tomum nostrum de Notis Euangelicis inscriptum, & in Republica vestra confectum, haud ita pridem in lucem prodysse, præsertim vt votis Cleri vestri Friburgensis, quem honoris gratia nomeno, ac simul officio meo collegis iuuandis debito, vtcunq; facerem satis. Quod si conatus ille, vt ferunt, gratis fuit lectoribus, habeo certè cur æterno Parenti, à quo tanquam fonte bonum omne dimanat, ex animo gratias agam, & simul mihi gratulèr de præsentì Lectorum beneuolentia ac humanitate.



IN DIE FESTO SANCTI ANDREÆ APOSTOLI

Sequentis Euangely Argumentum.



CH R I S T V S Euangelium sacrum prædicaturus, ad hoc enim à Patre fuerat destinatus, confert sese ad mare Galilææ, quod à Luca stagnum Genezareth, & à Ioanne Tyberiadis mare vocatur. Vbi iuxta litrus ambulans, non otiosè versatur, sed studiosè primos quatuor colligit discipulos, quos deinceps eorum omnium, quæ publicè faceret ac doceret, domesticos veluti testes erat adhibiturus. Primi duo dicuntur Petrus & Andreas, à Iona parente geniti, reliqui verò Iacobus & Ioannes filij Zebedæi patris, illiq; omnes bis germani fratres, ac fraterna inter se dilectione ita coniuncti, vt in manuali labore mutua opera sese iuuant fideliter, victumq; piscando ex lacu publico sibi quærirarent. Tales verò ad munus Apostolicū hic eliguntur & vocātur à Christo, Galilæi nēpe piscatores, rudes, simplices, indocti, obscuro & egeni homines, nihil vt in illis eximium ac præclarum apparet. Eo facto significatum est, rei Euāgelicæ fideiq; Christianæ primordia non ex hominum nobilitate, doctrina potentia, industria, prudentiaque pendere, sed admiranda summi Dei virtute constare, nullamq; hic laudis & gloriæ humanæ partē carni vel mundo tribui oportere. Hoc est quod Paulus verbis illis indicat: Videte vocationem vestram fratres; quia non multi sapientes secundum carnem, non multi potentes, non multi nobiles: sed quæ stulta sunt

Luc. 4.

Luc. 5.
Ioan. 6.

Matth. 16.

I. Cor. 1.